

Pleidleisio drwy ddirprwy

Mae pleidleisio drwy ddirprwy yn golygu os na allwch bleidleisio yn bersonol, gallwch gael rhywun yr ydych yn ymddiried ynddo i fwrw eich pleidlais drosoch.

Os ydych wedi cael **argyfwng meddygol ar ôl 5pm, ar y chweched diwrnod gwaith cyn y bleidlais**, sy'n golygu na allwch bleidleisio'n bersonol yn eich gorsaf bleidleisio, gallwch wneud cais am bleidlais argyfwng drwy ddirprwy.

Gallwch wneud cais hyd at **5pm ar y diwrnod pleidleisio**.

Gallwch hefyd ddefnyddio'r ffurflen hon os ydych wedi'ch cadw mewn ysbyty o dan adrannau sifil Deddf Iechyd Meddwl 1983.

Mae'r ffurflen hon ond yn gymwys yng Nghymru.

Mae'n rhaid eich bod chi a'ch dirprwy wedi cofrestru ac yn gymwys i bleidleisio.

Mae'r rheolau ynghylch pwy all fod yn ddirprwy yn wahanol yn dibynnu ar y math o etholiad rydych am bleidleisio ynddo:

Ar gyfer **etholiadau'r Senedd ac etholiadau cynghorau lleol**:

- Gall dirprwy bleidleisio dros berthnasau agos a hyd at ddau berson arall mewn etholiad. Perthnasau agos yw priod, partner sifil, rhiant, tad-cu/mam-gu, brawd, chwaer, plentyn neu wŷr/wyres yr ymgeisydd.

Ar gyfer **etholiadau Senedd y DU ac etholiadau Comisiynwyr yr Heddlu a Throsedd**:

- Gall dirprwy bleidleisio dros uchafswm o 4 o bobl. Ni all mwy na 2 o'r bobl hynny fod yn etholwyr domestig. Mae etholwyr domestig yn bleidleiswyr nad ydynt yn bleidleiswyr tramor nac yn bleidleiswyr gwasanaeth. Mae etholiadau Senedd y DU yn cynnwys etholiadau cyffredinol Senedd y DU, is-etholiadau a deisebau adalw.

I gael rhagor o wybodaeth, ewch i comisiwnetholiadol.org.uk/pleidleisiwr.

Sut y gallaf wneud cais i bleidleisio drwy ddirprwy?

- Gofynnwch i rywun sy'n barod i fod yn ddirprwy ar eich rhan a phleidleisio drosoch ac sy'n gallu gwneud hynny.
- Llenwch y ffurflen gais pleidleisio drwy ddirprwy. Rhaid i chi roi rheswm pam bod angen i chi bleidleisio drwy ddirprwy a gall fod angen i rywun cymwys ategu eich cais. Gweler y nodiadau ar dudalen 2 am wybodaeth am bwy all ategu eich cais.
- Gwnewch yn siŵr eich bod yn cwblhau pob rhan ofynnol o'r ffurflen ac yn rhoi eich dyddiad geni a'ch llofnod. Mae angen y wybodaeth hon er mwyn atal twyll. Os na allwch lofnodi'r ffurflen hon, cysylltwch â'ch swyddfa cofrestru etholiadol leol.
- Dim ond **ar ôl 5pm, ar y chweched diwrnod gwaith cyn yr etholiad** y gellir defnyddio'r ffurflen hon.
- Rhaid i'ch ffurflen gyrraedd eich swyddfa cofrestru etholiadol leol **cyn 5pm ar ddiwrnod yr etholiad**.
- **Dylech ddychwelyd eich ffurflen i'ch swyddfa cofrestru etholiadol leol. Mae ei manylion a rhagor o wybodaeth ar gael yn comisiwnetholiadol.org.uk/pleidleisiwr.**

Peidiwch â dychwelyd eich ffurflen i'r Comisiwn Etholiadol.

Os nad ydych wedi cofrestru i bleidleisio, rhaid i chi wneud cais i gofrestru cyn gwneud cais am bleidlais drwy ddirprwy. Y dyddiad cau ar gyfer cofrestru i bleidleisio yw **hanner nos, 12 diwrnod gwaith cyn y bleidlais**. Cofrestrwch i bleidleisio ar-lein yn gov.uk/cofrestru-i-bleidleisio.

Cais am bleidlais argyfwng drwy ddirprwy yng Nghymru oherwydd anabledd

Pwy all ategu fy nghais?

Os ydynt yn darparu gofal neu'n eich trin oherwydd yr anabledd, gall yr unigolion canlynol ategu eich cais:

- ymarferydd meddygol cofrestredig (gan gynnwys deintydd, optegydd, fferyllydd, osteopath, ceiropractydd neu seicolegydd)
- nyrs gofrestrdig
- gweithiwr iechyd proffesiynol cofrestredig.

Os yw'n darparu gofal, yn eich trin, neu wedi trefnu gofal neu gymorth o ran yr anabledd, gall yr unigolyn canlynol ategu eich cais:

- gweithiwr cymdeithasol cofrestredig.

Neu gall yr unigolion canlynol ategu eich cais:

- y rheolwr, neu ei gynrychiolydd awdurdodedig, yn yr ysbyty cofrestredig lle rydych yn cael eich trin
- y person cofrestredig sy'n rhedeg y cartref gofal preswyl rydych yn byw ynddo
- warden yr eiddo rydych yn byw ynddo a ddarperir ar gyfer pobl o oedran pensiwn neu bobl anabl.

Os ydych wedi'ch cofrestru'n ddall gan awdurdod lleol a bod eich cais yn seiliedig ar eich dallineb, nid oes angen i neb ategu eich cais. Rhaid i chi gwblhau rhan 2B.

Os ydych yn cael budd-dal (a restrir isod) oherwydd yr anabledd a nodir yn y cais, yna nid oes angen i neb ategu eich cais. Rhaid i chi gwblhau rhan 2C.

Mae budd-daliadau lles yn cynnwys:

- Cyfradd uwch o elfen symudedd lwfans byw i'r anabl
- Cyfradd uwch o elfen symudedd y taliad annibyniaeth personol
- Taliad annibyniaeth y Lluedd Arfog.

Os ydych chi wedi cael eich cadw yn yr ysbyty o dan adrannau sifil Deddf Iechyd Meddwl 1983, rhaid i chi gwblhau rhan 2D. Rhaid i'ch cais gael ei ategu gan:

- rheolwr yr ysbyty cofrestredig lle rydych wedi'ch cadw, neu ei gynrychiolydd awdurdodedig.

Beth fydd yn digwydd ar ôl i mi ddychwelyd y ffurflen hon?

- Bydd eich swyddfa gofrestru etholiadol leol yn cadarnhau p'un a yw eich cais wedi'i dderbyn neu ei wrthod.
- Bydd eich swyddfa gofrestru etholiadol leol yn dweud wrth eich dirprwy pryd a ble i bleidleisio ar eich rhan.
- Rhaid i chi ddweud wrth eich dirprwy sut rydych am iddo bleidleisio ar eich rhan, er enghraifft, pa ymgeisydd, plaid neu ganlyniad.
- Rhaid i'ch dirprwy fynd i'ch gorsaf bleidleisio leol i bleidleisio.

Datganiad preifatrwydd

Mae'r hysbysiad preifatrwydd hwn yn dweud wrthy ch beth fydd yn digwydd i'r wybodaeth bersonol y byddwch yn ei rhoi gyda'r ffurflen gais hon.

Y Swyddog Cofrestru Etholiadol yw'r Rheolydd Data at ddibenion deddfwriaeth diogelu data. Eu sail gyfreithlon dros gasglu'r wybodaeth bersonol yw bod angen y gwaith prosesu er mwyn cyflawni tasg er budd y cyhoedd, fel y nodir yn Neddf Cynrychiolaeth y Bobl 1983 a rheoliadau cysylltiedig.

Mae gofyniad cyfreithiol ar y Swyddfa Cofrestru Etholiadol i brosesu eich gwybodaeth bersonol yn ddiogel a chydymffurfio â deddfwriaeth diogelu data. I gael rhagor o wybodaeth, dylech gyfeirio at ei hysbysiad preifatrwydd. Gallwch ddod o hyd i gyfeiriad ei wefan a'i fanylion cyswllt yn comisiwnetholiadol.org.uk/pleidleisiwr.

Cais am bleidlais argyfwng drwy ddirprwy yng Nghymru oherwydd anabledd

6 Eich dyddiad geni a datganiad

Datganiad: Rwyf wedi gofyn i'r unigolyn rwyf wedi'i enwi'n ddirprwy a gallaf gadarnhau ei fod yn barod i bleidleisio ar fy rhan a'i fod yn gallu gwneud hynny.

Hyd eithaf fy ngwybodaeth a'm cred, mae'r manylion ar y ffurflen hon yn wir ac yn gywir. Rwy'n deall ei bod yn drosedd rhoi gwybodaeth anwir ar y ffurflen hon, ac y gallwn gael fy ngharcharu am hyd at chwe mis a/neu gael dirwy.

Dyddiad geni: Nodwch eich dyddiad geni yn y blychau isod gan ddefnyddio inc du.

D	D	M	M	B	B	B	B

Llofnod: Llofnodwch isod gan ddefnyddio inc du, gan gadw o fewn y llinellau llwyd.

Os na allwch lofnodi'r ffurflen hon, cysylltwch â'ch swyddfa cofrestru etholiadol leol.

7 Dyddiad y cais

Dyddiad heddiw

D	D	M	M	B	B	B	B

8 Ategu'r cais hwn

Darllenwch y nodiadau er mwyn gweld pwy all ategu'r cais hwn. Cwblhewch naill ai 8A, 8B, 8C, 8D neu 8E ar dudalennau 5 - 7:

Cwblhewch **8A** os ydych yn darparu gofal a/neu'n trin yr anabledd a nodir yn y cais, a'ch bod yn:

- ymarferydd meddygol cofrestredig (gan gynnwys deintydd, optegydd, fferylllydd, osteopath, ceiropractydd neu seicolegydd)
- nyrs gofrestrdig
- gweithiwr iechyd proffesiynol cofrestredig

Cwblhewch **8B** os ydych yn darparu gofal, triniaeth a/neu wedi trefnu gofal neu driniaeth o ran yr anabledd a nodir yn y cais, a'ch bod yn:

- weithiwr cymdeithasol cofrestredig

Cwblhewch **8C** os ydych yn:

- unigolyn sydd wedi'i gofrestru fel rhywun sy'n rhedeg cartref gofal preswyl
- warden eiddo a ddarperir ar gyfer pobl o oedran pensiwn neu bobl anabl

Cwblhewch **8D** os ydych:

- yn rheolwr, neu ei gynrychiolydd awdurdodedig, yn yr ysbyty cofrestredig lle caiff yr ymgeisydd ei drin.

Cwblhewch **8E** os ydych yn ategu'r cais ar gyfer ymgeisydd sydd wedi'i gadw mewn ysbyty, a'ch bod yn:

- rheolwr, neu ei gynrychiolydd awdurdodedig, yn yr ysbyty cofrestredig lle caiff yr ymgeisydd ei gadw.

Nid oes angen i'r cais gael ei ategu os yw Rhan 2B neu 2C ar dudalen 3 yn gymwys.

